

stolica auctoritate approbare dignaretur, Sacrorum Antistites, quorum in dioecesibus praefate Sorores commorantur, et E.mus ac R.mus D. Iosephus Cal. S. R. E. Cardinalis Vives y Tuto Instituti Protector, datis ultro litteris, earumdem preces summopere commendare non dubitarunt. Itaque Sanctitas Sua, re mature perpen- sa, attentisque praesertim commendatitiis litteris praedictorum Antistitum atque E.mi Protectoris, in audience habita ab infra- scripto Cardinali Sacrae Congregationi Episcoporum et Regularium Praefecto die 18 Maii 1903, Institutum ipsum iam amplissime laudatum et commendatum, uti Congregationem votorum simplicium sub regimine moderatricis generalis, approbare et confirmare dignata est, prout praesentis decreti tenore benigne approbat et confirmat, salva Ordinariorum iurisdictione, ad formam SS. Canonum et Apostolicarum Constitutionum; dilata ad opportunius tempus approbatione Constitutionum.

Datum Romae e Secretaria praefatae Sacrae Congregationis Episcoporum et Regularium die 27 Maii 1903.

D. Card. FERRATA, *Praef.*

L. + S.

PH. GIUSTINI, *Secret.*

## BELLOVASEN.

Dispensatio votorum pro Sororibus institutorum mere dioe- cesanorum spectat ad Episcopum, sub cuius iurisdictione Sorores degunt.

A Moderatoribus quorumdam Institutorum mere dioecesano- rum S. Congregationi Episcoporum et Regularium sequentis du- bii, circa votorum dispensationem, solutio proposita fuit, nempe: «*An dispensatio votorum pro monialibus domorum filialium in dioe- cesi existentium diversa ab illa, in qua degit dominus princeps, compe- tat Ordinario domus filialis, vel potius Ordinario damus principis.*»

S. Congregatio, audito Consultorum voto, atque attenta Con- stitutione «*Condita Christi Ecclesia,*» respondendum mandavit: